

بیر مملکتک آسایش و عمرانی ، نفوذ و نفوسنک اسرار از دیاد و اتساعی بو
 یولده کی ارقام و تدقیقاند آراملی در . آرامایه ، بولمایه ، کورمهیه ، کورمهیه
 دوام و کورمک ایستهمه مکدن فراغت ایتمک زمانمز چوقدن کلش در وایش
 ایشدن کچمک اوزره در . اوشاق اولمایه محکوم اولاجاق بیر نسلک بدرلری
 اولمایه راضی اولماقدن عالی و متعالی اولالم ...

۲۶ توموز ۱۳۲۸

عبدالرحمن جردت

جغرافیا و اتوغرافیا

ایران تورکلری

۴

بو کره ایران تورکلرینک ایران مشروطیتندگی موقع و اهمیتلرندن بحث
 ایدم جکمز : بچن مقالهده کی و عدمن اولبه ایدی .

آذربایجانک ایران مشروطیتندگی موقعی قلبک بدنده کی موهمی منابه سنده در .
 آذر بایجان احرارانه حرکاتک میدانی ، تبریز ایسه اونک قهرمانلقلر کوسترن
 بر مرکزى اولمشدر . آلتی سنهدن بری امتداد ایدن محاربات داخلیهک
 فوق العاده صیقینتیلری فداکار ایران تورکلرینک دوش تحمل و حمیتلرینه
 بوکنمشدر که حالا او آغیر یوکی طاشیمقدمه درلر . فرانسه انقلابنده مارسیلیا ،
 عثمانلی انقلابنده سلانیک نه ایسه ، ایران انقلابنده تبریز اودر . تبریز ایران
 انقلابنک آتشلر یاغدیران بر منبعی ایدی . آذری تورکلرندن تشکل ایدن
 حریت مجاهدلری بوتون ایران ظلمت پسنداننه قارشى مردانه کوکس گرمش ،
 طیانمشدر . ایرانک انور و نیازیمی ستار خان ایله باقر خانک قومانداسی
 آلتنده تبریزک اون بر آیلق بر محاصرهیه قارشى کوستردیکی قهرمانلقلرک اولبه
 شانلی صفجهلری واردر که بو بهادر تورکلرک ایرانیلر آرمنده اولاد غیور
 آذر بایجان ، دبه تمیز ایتمه لری پک حقلیدر .

کوک تبرزیلرک و گریک سائر آذربایجانلی تورکلرک حیات مشروطیتده نهکی خدمت وفداکارلقلر کوستردکلرینک تفصیلی بیانات آتیهدن آکلاشیلاجقدر : ایران حرکات احرارانه سنده محرک ومؤثر فعلی رولنی ایفا ایدن اوج طبقه اشخاص وار ایدی :

۱ - ممالک اجنیه ایله مناسباتده بولنان تجار ؛ ۲ - ممالک اجنیهده عملهک ایدرک تکرار وطننه عودت ایدن کویولر ؛ ۳ - مکاتب داخلیه وخارجیهده تحصیل کورهن زمره متفکرین .

آذربایجان ، ایرانک ممالک متمدنیه اک یاقین اولان برقطعه سیدر . بوراسی برطرفدن روسیایه برطرفدنده ترکیهیه هم حدود اولدیغندن آذربایجانلی تجار روسیایه ، استانبوله واوروپایه دهها زیاده کیدوب کلیرلر ؛ اجنیه مملکتلرده کی قوانین وانتظامی ، اورالرده کی اصول اداره نی گورر ومحسناتی بالذات حس ایدرلر ؛ بو صورتله ایران طبقه تجاری ، قانونسزلقدن عبارت حکومت شهنشاهیهدن بیزار اولانلر بیننده مهم بریکون تشکیل ایدرلر .

ایکنجی مقاله مزده آذری کویولر کلیتلی اولهرق قفقاسیا وایجری روسیهیه عملهک ایچون کیدرلر ، دیمشک . ایشته بو عملهلر دوزکن عائله لرینه بر پارچه اکمک پاره سی تدارک ایتدیکلری کی ، روس انقلابندن ، وبوانقلابک صفت اساسیه سی اولان عمله حرکات احرارانه سندن ، ملهم اولهرق بر فکر انقلابده . طاشیوردیلر . آتیده کوروله جگی وجهله روسیا عمله حرکاتنه پیرو ایرانیلر ، سوسیالیست عنوانی طاشیان سیاسی بر فرقه تشکیل ایتشلردر .

ایران متفکرینی ایچنده دخی تورکلرک معتا بر موقع طوتدیقلری همان نظره چارپار . ممالک ، اجنیهیه تحصیله کیدن کنجلرک چوقیسی شمالی ایراندن کیدرلر . طهران مکاتب عالیه وتالیه سنده دخی آذربایجانلی طلبه آز دکلدر . طهراندن سوکره ایرانک یکانه منبع عرفانیده تبرزدر ؛ آز چوق یکی مکتبلر آچلمش ایسه ، بوراده آچلمشدر .

ایرانده انتباه فکری قوری اولان سوکنجی سنه لری ارباب سعی و ذکای تحقیق اولنورسه ، تورک اولان برچوق محترم سیالره تصادف ایدیلیر . بونلر

بویوک بر غیرت و موفقیتله تجدد و ترقی باراغنی یوکسک قالدیرارق شایان تقدیر اولان جدیدلریله ایرانلیغنی او یاندیرمه یه چالیشمشلردر .
 بونلردن مشهور اولانلرینی مختصراً ذکر ایدم :

باشنده شیخ جمال الدین افغانی کبیرکه بوتون شرقک اتبساهنده کی درجه تأثیرلری تعریفدن مستغنی در [۱] . صـ و کرم تبریزی محمد طاهر بکله یینه تبریزی طالب زاده عبدالرحیم و مراغلی حاجی زین العابدین افندیلری سایه ییلیرز .
 محمد طاهر بک بوندن تقریباً ۳۰ سنه مقدم استانبولده « اختر » نامنده فارسی برغزته نشر ایدیوردی . « اختر » ایران انباء دورنک عوامل مهمه بندن عد ایدیلدکده در ؛ ایران افکار عمومی اوزرینه بک زیاده نفوذی اولمشدر .
 طاهر بک و قتیبه عثمانلی انجمن معارفه اعضا تعیین ایدلمش ایدی ؛ ایوم حال حیاتده ایسه لرده اختیارلشمش و برکوشه ازوایه جکلمشدر .

عبدالرحیم افندی صوک دورنک ادبسی بندن بویوک بر نفوذ صاحبی و بک مشهور ایدی . قدرت قلمیه لری مسلمدر : پداغوزی فقطه نظرندن خصوصی بر مهارتله یازیلوب ، غایت سهولتله اوقونان « سئینه طالبی و یا کتاب احمد » نام اثری فارسی ادبیات اخیر سنک زبده آمانندن در . مصاحبه بوللو یازلمش و سلیس بر طرز بیانله اقسام فنونه عائد فائده لی معلومات و یرن بو کتاب مدنیت جدیده ایچون چیریدان یوره کلری تسخیر ایتدیگی کی قارا کلک قلبلرده انفاذ نور ایدم بیلیمشدر . « کتاب احمد » شمعی ایرانده اک چوق اوقونان کتابلردندر . مؤلفک بو کتابندن باشقه علم هیثاته ، حکمت طبعیه یه ، اجتماعیات و تاریخه عائد دخی بر چوق آناری واردر . مومی الیه ابکی سنه اول قفقاسیاده واقع تیمورخان شورا شهرنده کندلی کوشکنده وفات ایلهدی . مرحومک اثرلرینک چوغنی استانبولده باسلامشدر .

[۱] شیخ مرحومک ملتی مسأله سی جای مناقشه در . فاضل محترم احمد بک آغایف حضرتلری مرحومک تورک اولدقلرینی سوبلیه رک مراغلی اولدقلرینی ده توضیحاً بیان بو یورمشلردی . فقط بزم معلوما تمزه گوره شیخ ، بعضاً اسملرینک آخرینه تلفیق ایدیلن « اسدآباد » نسبتندن ده آکلشله یینی اوزره همدانلی در . (اسدآباد) همدان قضااستده واقع تورک کویلرندندر . شیخک بوکون بیله مذکور کویده افراباری واردر .

« كتاب احمد » دن دها زياده اوقونان ودها زياده اجراى تاثير ايدن بر
 كتاب - كه ايران دوره انتباهى ادبياتنك شاهكارى تلقى ايديله بيلير - مراغىلى
 حاجى زين العابدين افندينك رومان وارى يازديغى « سياحتنامه ابراهيم بك »
 عنوانلى اثر مشهوريدر . حاجى زين العابدين افندى ، بو اثرنده غايت نافذ بر
 لسانله ايران استبدادنى ، جهالتنى ، فساد اخلاقى تنقيد ايدر و بوتون بونلك
 چاره-نى قانونى ومدنى بر حيات اجتماعينك تأسسنده گورر . فارسجه يازيلش
 بو كتاب مصرده باصلمشدر . دور استبدادده ايرانه دخولى ممنوع ايدى . فقط
 ممنوعيته رغماً كتابى اوقومايان آز قالمشدى . حاجى زين العابدين افندى تجار
 طبقه-سنة منسوب اولوب استانبولده تجارخانه لرى وار ايدى . ايكى سنة اوليسى
 وفات ايتمشدر . « سياحتنامه » نك ايكنجى و اوچنچى جلدلرى استانبولده
 باصلمشدر .

فكر و قلملريله ايران دوره انتباهنه خدمت ايدنلك مقدارى ، بالطبع
 بو قدر دكلدر . بز يالگز تورك اولانلرندن اك مشهورلرغى ذكر ايتدك .
 شورا سيدة شايان دقتدر كه شيخ احمد روحى ، ميرزا آقاخان گرماني كجى فارس
 متفكرين انقلابيونى دغى استانبولده اقامت ايتمش و بورادن كسب فيض
 ايتشاردر . ذاتاً ايران انتباه و حرركات احرارانه سنى احضار ايدن قوت وعاملر
 ايكى مركزده طويلانمشدر : با كوده [١] و استانبولده .

ايلك ايران اختلاجى جمعيتى با كوده تشكىل ايتمش ايدى . بورادن كرك
 طهرانه و كرك تبريزه مرشدلر ، فدائيلر ، بومبار و ساثر مواد انفلاقيه
 گونده ريلوردى . باكو ، روس اختلالى سنه لرنده (١٩٠٥ و ١٩٠٦) روسيه نكده
 اك اختلال پرور نقطه لردن صاييلور ايدى ؛ بوراسى بر عملة شهرى اولديغندن
 سوسياليست پارتيلرينك نفوذى حاكم اولان نقطه لردن بريسنى تشكىل
 ايدوردى . بر زمانلر ، سوسياليستلر باكو حرركات اجتماعيه و تظاهرات
 انقلابيه نك ناظم مطلقى ايديلر . نه كونا بر جمعيت تشكىل ايتسون كنديسنه
 آز چوق سوسياليستلر سوسى و يرگه محبوب ايدى ... با كوده كى ايرانييلر

[١] قفقاسياده بر تورك شهرى و مملكتيدر .

بوندن متأثراً « فرقه اجتماعيون - عاميون ايرانيان » [۱] ناميله بر جمعيت وجوده
 كتيرديلر . جمعيتك مركبى با كوده ايدى . قفقاسياده و داخلى ايرانده
 شعبه لرى وار ايدى . جمعيتك اعضاسنى اكثريتله توركلر تشكيل ايد بوردى .
 قفقاسياده تشكيل ايمه سى طبيعتيله بونى ايحباب ايتمشدى .

مظفرالدين شاهدن يك سهولتله آينان مشروطيتك استحصاننده فرقه
 مذكورنك خيلى ياردمى اولمشدى . طهرانده ايلك دفعه باطلايان بومبار
 بو جمعيتك تورك اعضا لرى طرفدن آتمشدى . محمد على شاهك مجلسى محو
 وهدمندن سوكره باشلانان انقلابات ائناسنده دخى بو جمعيت ، كرك تبريزده ،
 كرك خراسان و كرك رشتده برچوق يارداقلىر كوسترمش و حدودده كى سبقى
 ترصداته رغماً دائمى صورتده ارباب اختلاله فدائى كوندرمىك ، تفنك ، فشك
 و مواد انفلاقيه تدارك ايتمك صورتيله معاونتده بولونمش در .

اجنبى سياسته آلت اوله رق مشروطيت عليه برسوه قصد اجرا ايدم جگى
 مشروطيت پيرو رانجه اثبات ايديان صدر اعظم ميرزا على اصغر خان آنا بگى
 اولديروب كنديسنى دخى در عقب قتل ايدم ايكنجى فدائى [۲] (عباس آقا) ده
 تورك اصنافلرندن برگنج ايدى . عباس آقانك عملى وطنداش لر نجه نه درجه لرده
 تقدير اولديغى يوم وفاتسك قرقنجى كونى قبرى اوزرنده اون بيك لرجه
 زائر دن تشكلى ايدن بويوك بر اجتماع و او اجتماعده فدائىك روحنه اتحاق
 ايديلن آتئين نطقلىر كوسترمكده در .

ايلك مجلس مبعوثانده تورك مبعوثلرى آز ايديلر . بوده قانون انتخابات
 اقتضاسى ايدى . او زمان مبعوثلرك ياريسى طهراندن ديگر ياريسى ايسه
 ولايتدن سه چيلبوردى . مع مافيه كيتلرينه رغماً آذرى مبعوثلر كيفيتلريله كسب
 تميز ايتديلر . ايلك مبعوثانده اوروپا معناسيله سياسى فرقه لرى يوق ايدى ؛ فقط
 مجلسده ايكي آشكار جريانك دائماً يكدى بگريه چار بشدينى در حال كوزه چار پاردى .
 بوايكي جريان يكيلىكله اسكيلك جريانلرى ايدى . تورك مبعوثلرى اكثريتله

[۱] « ايران سوسيال دموقرا ت فرقه سى »

[۲] برنجى فدائى ميرزا رضا كرمانى در كه ناصرالدين شاهى قتل ايدلى .

يكيلىكى تمثيل ايدىيور و اقليتىده اولدقارى حالده مزيت ذاتيه لر بله تفوق ايدىيورلردى . يكيلىك جرياننىك باشنده ايكي كنج آذربايجان مبعوثى ، مشهور تقى زاده ايله مرحوم حاجى ميرزا ابراهيم آغا دورىيورلر ايدى . حاجى ميرزا ، مجلسك هدمندن سوكره اعدام ايدلدى . تقى زاده يقسالانامدى و ايكنجى مجلس مبعوثان احرار فرقه سنك رياستنده بولندى .

برنجى مجلس مبعوثان دورنده طهرانده برچوق سياسى انجمن لر (قلوبلر) وار ايدى . بونلر ك صايبسى يمشه بالغ اوليورلدى . انجمنلر فرانسه انقلابنده كى قلوبلره بكنزييورلردى . بونلر ك ايچريسندنه اك نفوذلى اولانى . انجمن آذربايجانين ، ايدى . بو ، عادتاً بوتون انجمنلر ك مركزى و آمرى حكمنده ايدى . آذربايجان انجمننك اعضالرينى ايسه اكثريتله توركلر تشكيل ايدىيورلردى ؛ هيئت اداره دخى توركلر انده ايدى .

مظفرالدين شاهك وفاتى متعاقب محمدعلى شاه مشروطيت عليه انتريقه لر چورمه يه باشلادى ؛ پدرم « مشروطيت دگل ، آنجق برمشاوره مجلسى انعقادى اعلان ايتمشدر ، ديه مجلسك نفوذ و صلاحيتى تحديد ايتك ايتيه يوردى . بونك اوزرينه هيچانه گن افكار عموميه نك باشنده ينه ده بر تورك شهرينى ، تبريزى كوربورز ، كه تلغرافلر بله شاهى تهديد ايدىيور و بو تلغرافلرنده برنجى دفعه اوله رق خاعدن بحث ايدىيورلدى .

محمدعلى شاه آرتق قطبى بر حركته قرار و يرمش ؛ مجلسى طوبه طوتد يرمش ، اله كچن مبعوثلرى ده دار آغاچنه آصديرمشدى . بو شدتله قارشى ده قيسام ايدن ينه قهرمان تورك شهرى تبريز اولدى . اولجه شهرده مجتمع مرتجعلر ك تنكيلنه باقدى . سوكره ده حكومت مركزيه طرفندن كوندريلن عساكر نظاميه و عشاكر مسلحه طرفندن تحت محاصره يه آلندى . شاهك تحت قومانداسنده بولونان و مقدارى اون بيكه قريب اولان بر قوت شهرى بومباردمانه باشلادى . محاصره اون بر آى سوردى . فقط كرك ايكي تورك بهادرى (ستار خان و باقر خان) اداره سى آلتنده كى مجاهدلر و كرك بالذات سلاحه صارلمش اولان اهالى قهرمانانه ثبات ايتديلر ، تسليم اولماديلر . يالگر

مدافعه ايله قالمایوب ، حتی برقاچ کره خط محاصره نیه یارمق مقابل تعرض اجرا سنه بيله موفق اولدیلر . محاصره نك صوك گونلرنده اهالینك آچلقدن سواقلرده دوشوب اولدیگی واقع ایدی ؛ یننده مدافعه ده دوام ایدیورلردی .

ماکو خانلی دخی ایران انقلابینك قانلی صفحه لرینه صحه اولمشدر :

بوراده نام برکوللو واکینجی قیامی باشلامشدی . قیامی اداره ایدنلر ایران اجتماعیون - عامیون فرقه سی ، نك تورك و آذربایجانلی اعضالریدی . اهل قیام بر آره لوق ماکو خاننه غلبه چالمش و خان روسیه نك حدود اوزرنده کی اریوان ایالتنه النجا ایتمشدی . مذکور جمعیت اعضاسندن و آذربایجانلی تورك عمله سندن مشهور ملا جعفر ايله محرز سعید سلماسی بو محاربانه اشراك ایش و شهید اولمشلردر .

تبریزك اون بر آیلوق مقاومت دلیرانه سی و آذربایجانلیلرک فداکارلی اصفهان ، خراسان ، ورشت کبی فارس قطع لرینه ده انقلابه سوق ایتدی . رشت ايله اصفهاندن طوبلانان ملی اردولر طهران اوزرینه یورودیلر و محمد علی شاه ی خلع ايله مشروطیتی استرداد و شم دیکی مینی مینی شاه ی تخنه جلوس ایتدیردیلر . رشت انقلابی اداره ایدن قومیه ايله رشت اردوسی ایچنده بر جوق تورکر وار ایدی .

ایلك مجلسك تخریبیله ایکنجی مجلسك انعقادی آره سنده ایران بر محاربه داخلیه صحه اولورکن استانبولده ده « انجمن سعادت ایرانیان » نامیله بر ایران قومیه سی شکل ایتمشدی . بو قومیه بر طرفدن نشر ایتدیکی بیاتنامه لرله ایرانده افکار اختلال پرورانه یی ایفاظه ، کشیده ایتدیکی متعدد تلغرافلرله اوروبا افکار عمومیه سی تنویرنه چالشبور ؛ دیگر طرفدن ده مراکز اختلالیه بیتمده مبادله معلومات و اخبار مرکز لکی وظیفه سی ایفا ایدیوردی . استانبولک ایرانیلو قولونیسنی تشکیل ایدنلر علی العموم ایرانی تورکر اولدیغندن « انجمن سعادت » اعضا سی ده تورکر دن مرکب ایدی .

طهرانک مشروطیت پرورلر طرفندن ضبطتی ، و محمد علی شاهک خلفی متعاقب پایتختده « هیئت مدیره » نامیله بر نوع « دیرکتوار » شکل ایتمشدی . بو هیئت

مادماً مملکتک حاکم مطلق اولمشدی . « دیرکتوار » ک اعضای نافذہ سندن
برقاجی تورک ایدی .

متعصب تورک مشروطیتجیلرینه قارشی « متعصب شاہجی » اولان تورکلرک
خلاف مشروطیت حرکتی ده واقع اولماش، دکدر . علی العموم شاہ سہون
عشرتلی حکومت جدیدہ علیہندہ اولوب طهران فتحندن سوکرہ مشروطیت
پرورانی اییدن اینیہ اشغال ایتشلردی . اخیراً شاہ سابقک ایرانہ دخولی ایله
سرزده ظہور اولان وقعہ ارتجاعیہدہ دخی تورکینلر مشروطیت علیہنہ قیام
ایتشلردی . بونلر موقع اجتماعیلری اقتضاسی اولهرق یکی اصول ادارہینی
ایستہ میورلردی . قشقانی عسیرتک دخی مشروطیتہ قارشی اتحاد ایتش اولدینی
معنیدار وضعیتدن مشروطیتجیلر دائماً احتیاط واحتراز اوزرہ بولنشلردر .
ایرانده ایکنجی مجلس مبعوثان طویلاندینی وقت اوروپا واری فرقلر تشکل
ایتدی : شدتلی وطنپرورک ایله احرار جریانی « ایران دموقرات فرقهسی »
تمیل ایدیور ، معتدل ومحافظہکار برجریانی ده « اجتماعیون-اعتدالیون » عنوان
عجیبیلہ تشکل ایدن دیگر برفرقلہ ارانہ ایله یوردی . فرقلرک ہر ایکسندہدہ مهم
وظیفہ ایفا ایدرک فرقلرک روحنی تشکیل ایله یینلر تورکلر ایدی . دموقرات
فرقہسک آذربایجانده بویوک نفوذ واتشکیلاتی اولدینی کبی مجلسدہ کی اعضاسک
اکثرتی ده تورک مبعوثانلردن ترکیب ایدیوردی . فرقلرک ریسی یوقاریدہ ذکر
کچن تبریز مبعوثی مشهور تقی زاده سید حسن افندی ایدی . مجلسک بی نظیر
برخطیبی عد اولونان تقی زاده افندی بین الاحرار بویوک برفقوذہ مالک ایدی .
ایکنجی مجلس مبعوثانده اثبات وجود ایدن ۹۰ . قریب اعضادن ۲۵ ی تورک
اولدینی کبی دموقرات فرقسہ انتساب ایدن ۲۱ مبعوثکده ۱۴ ی تورک ایدی .
ایکنجی مجلسک انعقادی مدتندہ ایران ایچون ایلک دفعہ اولهرق بویوک
فورمہدہ یومی برغزتہ نشر اولندی . « ایران نو » نامندہ اوروپا کاری انتشار ایدن
بوغزتہ، ایرانک اک چوقاقونان واک نفوذلی برغزتہسی ایدی . [۱] « ایران نو »
[۱] « ایران نو » ک سرعزری ، بویک مهم مقالہلری بزہ لطفاً یازان رسول زاده
محمد امین افندی ایدی . — « تورک بوردی » .

ده موقرات فرقه سنک مروج افکاری ایدی وارکان تخریریه سنی آذری تورکلر
تشکیل ایدبورلردی .

ایران انقلابنده عثمانلی تورکلرینکده اشتراکی اولماش دکلدر . بر قاج
محترم ذاتک خوی سلماس جهتلرنده کی قارداشجه یاردیملرینی تورک تاریخی
البته قید ایده جکدر . قفقاسیا تورک مطبوعاتنک ایران انقلابی اوزرینه تأیری
بک مهم اولدینی کبی قفقاسیالی برچوق تورک فدائیلری دخی ایرانک حریت
غوغالرنده جان و باشلرینی فدا ایتشلردر . مقاله مه خاتمه اوله رق مهم بر نقطه یی
اخطاره لزوم کوریورم : تورک انقلابچیلری ، تورک مبعوثلری ، تورک انجمنلری
دیدیکم زده بونلرک محض تورکلک نامه حرکت ایتدکاری دوشونوله سین .
ایران تورک مشروطیت پرورلری تورکلرینی دوشونمدیلر؛ بوتون فدا کارلنی
آنجق ایرانلیق و وطن مشترک نامه اجرا ایتشلردر .

رسول زاده محمد امین

سیاسیات

تورکلر بر روح ملی آرایورلر .

«مهرکور دو فرانس» («Mercure de France») آدلی فرانسز مجموعه سنک
افرنجی ۱۶ آغستوس ۱۹۱۲ تاریخی (جلد : ۴۷ - نومرو : ۳۶۴۰) نسخه سنده
«Les Turcs à la recherche d'une âme nationale» سرلوحه لی
و «تورک یوردی» نقطه نظرندن فائده لی اوزونجه بر مقاله مندرجدر . مقاله نک زیرنده ،
مجموعه نک دائمی محررلرندن ب . ریزال (P. Risal) ک امضاسی اوقونیور . موسیو
ریزال ، تورکلرک تکامل فکریلری تاریخنه وهله سوک اوچ بش سنه ک حیات فکریلرینه
داثرانی منابدن طوغری معلومات و وثائق استحصال ایده بیلمشدر . تورکلر حقیقده بودرجه
تحقیق و تعمیق ایله بوقدر بیطرفانه یازیلش مقاله لره ، اوروپا مطبوعاتنده نادر تصادف
اولنور . محررک همت و انصافندن تورکلر بالطبع ممنون و متشکر قالاچقلردر .
مقاله ده «تورک یوردندن» و مدیرندن محبتکارانه بحث اولنور . بوندن دولایی «تورک